



Noregs
vassdrags- og
energidirektorat

Til adresseliste

Vår dato: 30 OKT. 2012

Vår ref.: NVE 201200900-5 ki/saas

Arkiv: 313 /057

Dykkar dato:

Dykkar ref.:

Sakshandsamar:

Silje Aakre Solheim

22 95 95 44

Fjell vatn avløp og renovasjon AS – Søknad om løyve til å bruke Bildøyvatnet som drikkevassskjelde i Fjell kommune, Hordaland – høyring

NVE har motteke ein søknad frå FjellVAR, datert 26.09.2012, om løyve til å nytte Bildøyvatnet i Fjell kommune som drikkevassskjelde.

FjellVAR ønskjer å etablere eit nytt vassbehandlingsanlegg ved eksisterande drikkevassskjelde i Bildøyvatnet. Det er planar om å ta ut vatn tilsvarende naturleg avrenning frå vatnet, det vil seie 36 l/s. I tillegg vert det søkt om å halde fram med regulering av Bildøyvatnet mellom kote 170,8 og 179.

Bildøyvatnet vassverk vart i 1977 teke i bruk som kommunal vassforsyning. Etter etablering av vassverk ved Fjæreidevatnet vart Bildøyvatnet reservevassskjelde pga. dårlegare vasskvalitet og mangelfull reinsing. I dei siste åra har kjelda likevel vore nytta som supplering til den kommunale vassforsyninga. På bakgrunn av befolkningsvekst ønskjer ein å gjere denne bruken permanent og det er difor nødvendig å byggje eit nytt vassbehandlingsanlegg. I den anledning vert det no søkt om konsesjon for heile anlegget.

Bildøyvatnet er i dag regulert mellom kote 170,8 og 179. Dammen er 45 m lang og bygd i betong. Frå dammen er det lagt ein 200 mm vassleidning i eksisterande veg. Leidningen er kopla saman med eksisterande vassforsyningsnett ca. på kote 88, ved tilkomstvegen til høgdebasseng i Bildøynuten. Med unnatak av det nye vassbehandlingsanlegget vert det ingen nye fysiske inngrep.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Tom Monstad på tlf. 95 76 34 66 eller e-post: tom.monstad@asplanviak.no.

NVE ber Fjell kommune leggje to eksemplar av søknaden ut til offentleg ettersyn på servicetorget på rådhuset og på biblioteket på Straume fram til **20.12.2012**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no
Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest

Naustdalsvn. 1B
Postboks 53
6801 FØRDE

Region Øst

Vangsveien 73
Postboks 4223
2307 HAMAR


Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **20.12.2012**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det utarbeidas eit samandrag som kan brukast til dette.

Med helsing


for Gry Berg
seksjonssjef


Silje Aakre Solheim
avdelingsingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

Adresseliste for: Bildøyvatnet vassverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Vestnytt og Bergens Tidende

Tal på søknadar	Namn/adresse
3	Fjell kommune, Postboks 184, 5342 STRAUME
	Fylkesmannen i Hordaland, Postboks 7310, 5020 BERGEN
	Hordaland fylkeskommune, Postboks 7900 BERGEN
	Mattilsynet Bergen og omland, Bontelabo 8B, 5003 BERGEN
	Naturvernforbundet Bergen og Hordaland, Postboks 1201 Sentrum, 5811 BERGEN
	NJFF Hordaland, Tverrgaten 4/6, 5017 BERGEN
	Bergen og Omland Friluftsråd, Hellebakken 45, 5039 BERGEN
	Bergen Turlag, Tverrgaten 4/6, 5017 BERGEN
1	KM – Katarina Eftevand
	KD – Oddvar Indrebø

Orientering til høyringspartane

Generelt

NVE har heimel til å gje løyve i saker som gjeld utbygging av småkraftverk og andre vassdragstiltak. Løyve til større kraftutbyggingar blir gjeve av Kongen i statsråd.

Denne orienteringa gjeld saker der NVE kan gje løyve etter § 8 i vassressurslova.

Handsaming av søknaden fram til endeleg avgjerd

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert óg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom NVE gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, naturforvaltning, fornminne og sanksjonar ved ev. brot på vilkåra.

NVE si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Kva vert forventa av høyringsinstansane?

Kommunen bør gje synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør vektleggje tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK bør leggje vekt på kulturminne og friluftsliv som er særlege ansvarsområde.

Motsegn og klagerett

Det er ikkje krav om reguleringsplan etter plan- og bygningslova for tiltak der det krevjast konsesjonshandsaming etter vassressurslova. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i vassressurslova om motsegn og klagerett. NVE understrekar at ei ev. motsegn må fremjast i høyringsperioden.

NVE syner til våre nettsider for meir informasjon: www.nve.no/konsesjonssaker.

- KUNNGJERING -

Fjell vatn avløp og renovasjon AS - Søknad om løyve til å bruke Bildøyvatnet som drikkevasskjelde i Fjell kommune

NVE har motteke ein søknad frå FjellVAR om løyve til å nytte Bildøyvatnet i Fjell kommune som drikkevasskjelde.

FjellVAR ønskjer å etablere eit nytt vassbehandlingsanlegg ved eksisterande drikkevasskjelde i Bildøyvatnet. Det er planar om å ta ut vatn tilsvarande naturleg avrenning frå vatnet, det vil seie 36 l/s. I tillegg vert det søkt om å halde fram med regulering av Bildøyvatnet mellom kote 170,8 og 179.

Bildøyvatnet vassverk vart i 1977 teke i bruk som kommunal vassforsyning. Etter etablering av vassverk ved Fjæreidevatnet vart Bildøyvatnet reservevasskjelde pga. dårlegare vasskvalitet og mangelfull reinsing. I dei siste åra har kjelda likevel vore nytta som supplering til den kommunale vassforsyninga. På bakgrunn av befolkningsvekst ønskjer ein å gjere denne bruken permanent og det er difor nødvendig å byggje eit nytt vassbehandlingsanlegg. I den anledning vert det no søkt om konsesjon for heile anlegget.

Bildøyvatnet er i dag regulert mellom kote 170,8 og 179. Dammen er 45 m lang og bygd i betong. Frå dammen er det lagt ein 200 mm vassleidning i eksisterande veg. Leidningen er kopla saman med eksisterande vassforsyningsnett ca. på kote 88, ved tilkomstvegen til høgdebasseng i Bildøynuten. Med unnatak av det nye vassbehandlingsanlegget vert det ingen nye fysiske inngrep.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på servicetorget på rådhuset, på biblioteket på Straume og på NVE sine nettsider www.nve.no/konsesjonssaker fram til høyringsfristen går ut. Om du ønskjer papirutgåve av søknaden, ta kontakt med Tom Monstad på tlf. 95 76 34 66 eller e-post: tom.monstad@asplanviak.no.

NVE føretrekkjer at fråsegner vert sendt oss elektronisk via www.nve.no/konsesjonssaker så snart som mogeleg og seinast innan **20.12.2012**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det vert utarbeidd eit samandrag som kan nyttast til dette.